



bILTEN *tešanjski*

Interno informativno glasilo

Godina XVIII
juni/lipanj 2018.
Broj 76



U ovom broju:

- ➔ NASTAVAK GRADNJE KANALIZACIONE MREŽE
- ➔ GRADNJA MOSTA U JELAHU
- ➔ NOVI BUNAR ZA VODU
- ➔ GRADNJA ČETIRI ŠKOLSKJE DVORANE
- ➔ USVOJENE IZMJENE I DOPUNE BUDŽETA ZA 2018. GODINU
- ➔ KAPITALNI PROJEKTI
- ➔ PRIJEM NAJBOLJIH UČENIKA
- ➔ SAMOZAPOŠLJAVANJE PRIPADNIKA BORAČKE POPULACIJE
- ➔ LJETO U TEŠNJU



OPĆINA TEŠANJ

Trg Alije Izetbegovića 1

www.opcina-tesanj.ba

e-mail: optesanj@bih.net.ba



OBAVIJEST ZA POLJOPRIVREDNIKE

Obavještavamo poljoprivredne proizvođače sa područja općine Tešanj, da je Ministarstvo za poljoprivredu, vodoprivredu i šumarstvo ZDK objavilo

Javni poziv za poticanje poljoprivredne proizvodnje za 2018. godinu. Korisnici sredstava mogu biti pravna i fizička lica koja ispune uslove propisane Uputstvom. Zahtjevi sa dokazima o ispunjavanju uslova dostavljaju se na Protokol ZDK za Ministarstvo za poljoprivredu, vodoprivredu i šumarstvo.

Javni poziv i Uputstvo možete preuzeti na www.opcina-tesanj.ba

Sve potrebne informacije, kao i obrazac zahtjeva za poticaj možete dobiti u Službi za finansije, privredu, komunalne i inspeksijske poslove Općine Tešanj, kontakt osoba Tamara Turkić.



Izdaje: **OPĆINA TEŠANJ**

Redakcija:

Edina Kadušić, Samir Brka,
Kanita Gredelj i Bahrudin Noćić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 1
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa: Grafik-komerc

KREDITI RAZVOJNE BANKE FBiH

Obavještavamo sve privredne subjekte na području općine Tešanj koji su registrirani kao privredna društva ili obrtnici u različitim oblastima industrije i poljoprivrede da je Razvojna banka Federacije BiH otvorila kreditne linije za kreditiranje: stalnih sredstava, poljoprivredne proizvodnje, podršku zapošljavanju, obrta, izvoza.

Sve informacije o uslovima kreditiranja možete pogledati na web stranici Razvojne banke Federacije BiH - link: <http://www.rbfbi.ba/bih/dugorocni.php>

APEL GRAĐANIMA

U posljednje vrijeme, usljed obilnih i čestih padavina dolazi do izlivanja rijeka i riječica iz svojih korita, a time i do plavljenja objekata, infrastrukture i poljoprivrednog zemljišta čime se nanose velike štete građanima na području općine Tešanj.

Da bi smanjili rizike od poplava, Općina Tešanj će provoditi preventivne mjere zaštite od poplava: uređenje vodotoka u smislu čišćenja, produbljavanja, proširivanja, uklanjanja stabala i šiblja iz korita, izgradnju obaloutvrda i drugih neophodnih radnji.

Općinsko vijeće i Općinski načelnik upućuju javni poziv i apeluju na stanovništvo na saradnju u provođenju ovih mjera i na podršku u rješavanju vlasničkih odnosa.

Nemojte da dozvolimo da zbog pitanja međa, zatrpanih potoka, kanala i propusta nastaju štete za veliki broj ljudi.

Također, pozivamo stanovnike općine Tešanj da pored vodotoka, potočnih i riječnih korita ne ostavljaju različite predmete i materijale koje voda obično ponese do prvih mostova ili propusta.


U posljednjih mjesec dana zbog sijena, drva ili sličnih stvari ostavljenih pored potoka, zatrpani su propusti, a što je kasnije uticalo na veća izlivanja i štete na stambenim objektima i poljoprivrednim usjevima.

SLUŽBA CIVILNE ZAŠTITE

REBALANS BUDŽETA OPĆINE TEŠANJ ZA 2018. GODINU

- * Općinsko vijeće Tešanj na svojoj 19. sjednici, bez glasova protiv uz 2 suzdržana glasa, usvojilo je Izmjene i dopune Budžeta Općine za 2018. godinu.
- * Budžet za 2018. godinu je ovim Izmjenama i dopunama uvećan za dodatnih 1.187.000,00 KM, tako da sada iznosi 20.075.000,00 KM.
- * Najveći dio uvećanja je raspoređen na kapitalna ulaganja, tako da ona sada čini više od 50% ukupnog Budžeta, i iznose 10.132.500 KM.

Struktura rashoda i izdataka Budžeta, kao i kapitalnih ulaganja izdvojeno, je data u sljedećem grafičkom prikazu:



* 50% općinskih prihoda za 2018. godinu je usmjereno na kapitalna ulaganja.

* 49% kapitalnih ulaganja je usmjereno na projekte komunalne infrastrukture

Najznačajniji projekti u Budžetu Općine za 2018. godinu su sljedeći:

- * Nova faza projekta prikupljanja, odvodnje i prečišćavanja otpadnih voda od 3.900.000 KM,
- * Vodosnabdijevanje - vodovodi Raduša, Tepe-Hrvatinovići i Dž. Planje od 1.000.000 KM,
- * Nastavak gradnje 4 sportske dvorane osnovnih škola općine Tešanj od 715.000 KM.

GRADIMO ČETIRI ŠKOLSKJE DVORANE, JEDNA ĆE BITI ZAVRŠENA DO POĀETKA ŠKOLSKJE GODINE

Općinski načelnik Suad Huskić i Ministar za obrazovanje, nauku, kulturu i sport ZDK Mensur Sinanović potpisali su u Tešnju Ugovor o nastavku gradnje četiri školske dvorane na prostoru općine Tešanj. Vrijednost potpisanih Ugovora je 780.000 KM.

Riječ je o školskim dvoranama pored osnovnih škola u Šijama, Kaloševiću, Jablanici i Miljanovcima čija je gradnja počela u 2016-toj godini. Ugovorima koji su potpisani planiran je završetak školske dvorane u Šijama, te izrada montažnih fasadnih panela, unutrašnjih pregrada sa uređenjem podloge u preostale tri školske dvorane.

Bili smo odlučni kada smo istovremeno započeli gradnju ne jedne ili dvije, nego četiri školske dvorane. Drago mi je zbog ovih ugovora i nastavka radova, te posebno zbog partnerskog odnosa sa Vladom ZDK, Ministarstvom obrazovanja i drugima na ovom projektu. Partnerski odnos daje ovaakve rezultate. Do završetka projekta potrebno je još oko 600.000 KM. Nadam se da ćemo ubrzo obezbijediti potrebna sredstva za završetak cijele investicije, koja će u konačnici iznositi oko 2 miliona KM. Sretan sam jer znam da će uskoro oko 1500 učenika imati uslove za nastavu tjelesnog odgoja, rekao je Općinski načelnik Suad Huskić.



Od 2016. godine, za gradnju četiri školske dvorane uloženo je 1.390.000 KM, od čega je Ministarstvo za obrazovanje, nauku, kulturu i sport ZDK izdvojilo 600.000 KM (43%), Općina Tešanj 630.000 KM (47%), te UNDP i MZ Šije 150.000 KM (10%). U 2018. godini planira se izrada i montaža fasadnih panela i tribina za tri montažne dvorane, a u školskoj dvorani Šije fasada, elektro-oprema, izolacije, podna obloga, sanitarije, kanalizacije i hidrantske mreže.

Izvođači radova su firme *Inžinjeri I i Inter*. Planirani rok završetka ugovorenih radova je početak nove školske godine, a procjenjuje se da je za završetak svih radova na školskim dvoranama, bez sportske opreme, potrebno još cca 600.000 KM.

SVEĀANO PUŠTEN U FUNKCIJU NOVI BUNAR U JELAH POLJU

U Jelah Polju svećano je pušten u funkciju novoizgrađeni bunar za eksploataciju vode za piće. Izgradnjom i uključivanjem ovog bunara u sistem vodosnabdijevanja doći će do povećanja raspoloživih količina za 25% postojećih kapaciteta. Procjenjuje se da će kapacitet bunara 15l/sec u ljetnom periodu omogućiti nesmetan i kontinuiran sistem vodosnabdijevanja korisnika pitkom vodom.

Bunar su u funkciju, u prisustvu velikog broja zvanica i gostiju, pustili Premijer ZDK Miralem Galijašević, Ministar za poljoprivredu, vodoprivredu i šumarstvo ZDK Himzo Smajić, Općinski načelnik Suad Huskić i direktor JP RAD Adnan Lihiić.

Danas je pušten u rad nov bunar u Jelah Polju, ukupne vrijednosti 436.000 KM, od čega su jednake iznose osigurali Ministarstvo poljoprivrede, vodoprivrede i šumarstva ZDK (99.000 KM) i JP RAD (126.000 KM), dok je Općina Tešanj finansirala projektovanje i studiju, te rješavanje imovinsko-pravnih odnosa u iznosu od 211.000 KM, kazao je Općinski načelnik Suad Huskić.



Početkom 80-tih godina zadnji put je na području općine Tešanj napravljen bunar ovakvih kapaciteta. Novi bunar će u budućnosti činiti 20% kapaciteta u ukupnom vodosnabdijevanju kojeg vrši JP RAD Tešanj.

POTPISANI NOVI UGOVORI ZA GRADNJU KANALIZACIONE MREŽE U TEŠNJU VRIJEDNI 4,4 MILIONA KM

Općinski načelnik Suad Huskić, nakon provedene procedure javne nabavke potpisao je ugovore za nastavak projekta u 2018. godini - *Izgradnje sistema prikupljanja, odvodnje i prečišćavanja otpadnih voda*.

Ove godine planirani su radovi na dionici od Novog Sela do Tešanjke i od Žabljaka do Kraševa, kroz Poslovnu zonu Glinište i dionica od Jelah Polja do Miljanovaca ukupne dužine 12 km i vrijednosti 4,4 miliona maraka. Prethodnih godina (2015., 2016. i 2017.) završena je prva faza od 14 km kanalizacione mreže, ukupne vrijednosti 6,6 miliona maraka. Od 2015. godine do danas u projektovanje i gradnju 26 km primarne kanalizacione mreže uloženo je 11 miliona maraka. Ovi ugovori će povezati ranije izgrađene dijelove sistema.

Ovom prilikom, predstavljen je i Idejni projekat postrojenja za preradu otpadnih voda.



U 2015. godini smo počeli građevinske radove na izgradnji najvećeg javnog projekta do sada, u prvoj fazi vrijednog oko 24 miliona maraka. Od 2015. godine realizovali smo radove na planiranim dionicama, a ove godine, nastavljamo realizaciju projekta. Nakon izgradnje sekundarne mreže i postrojenja za preradu otpadnih voda na ovaj sistem bit će spojeno cca 30.000 stanovnika, uključujući i dio stanovnika općine Usora, kazao je Općinski načelnik Suad Huskić.

Izvođači radova su Inžinjeri d.o.o. Jelah (za LOT1 i LOT4), Konzorcij Harysco d.o.o. Sarajevo i Instel d.o.o. Bijeljina (za LOT2), te Konzorcij Špic Beton d.o.o. Zenica i AGI d.o.o. Konjic (za LOT3).

MARŠ MIRA TEŠANJ - SREBRENICA 2018

Ispred Centralnog spomen obilježja u Tešnju grupa tešnjaka je krenula na Marš mira Tešanj-Srebrenica 2018. Organizator i ovogodišnjeg Marša mira je Udruženje Klub prijatelja Srebrenice. Građanima koji su došli da isprate ovu grupu, prigodnim govorom obratili su se Općinski načelnik, predsjednik Udruženja Klub prijatelja Srebrenice, vođa puta i predstavnici Udruženja Prosvjetitelj iz Srebrenice.

Na ovogodišnjem Maršu mira iz Tešnja učestvuju predstavnici Udruženja građana Klub prijatelja Srebrenice, grupa građana iz MZ Trepče i predstavnici Biciklističkog kluba Tešanj.

Marš mira je pješački pohod, koji se održava u sklopu obilježavanja godišnjice genocida nad Bošnjacima u Srebrenici i njoj okolini s ciljem odavanja počasti žrtvama genocida, te podsjećanja na stravične zločine.



PRIJEM NAJBOLJIH UČENIKA

Za učenike generacije, učenike sa posebnom diplomom i učenike sa ostvarenim značajnim rezultatima na takmičenju, te direktore škola, profesore i nastavnike koji su učenike pratili na takmičenja, upriličen je tradicionalni prijem Općinskog načelnika.

Ove godine ukupno 92 učenika (12 učenika generacije, 50 učenika sa posebnom diplomom, te 30 učenika sa ostvarenim značajnim rezultatima na takmičenju) su od Općine Tešanj dobila prigodne poklone i novčane nagrade za postignute rezultate.

Čestitke najboljim učenicima uputio je Općinski načelnik Suad Huskić, koji je u svom obraćanju posebno istakao važnost ovako dobrih rezultata, prvo za učenike, a onda i za zajednicu. Također, podsjetio je da Općina Tešanj posebnu pažnju povećuje mladim ljudima kroz različite projekte. Inače, ovaj prijem je već postao tradicionalan i ima za cilj, između ostalog, da afirmiše mlade uspješne učenike i sportiste i da ih podstakne na dalji rad i napredovanje.



POTPISANI UGOVORI U OKVIRU PROGRAMA OMLADINSKE BANKE



U Općini Tešanj potpisani su ugovori sa tri neformalne grupe mladih iz Lepenice, Medakova i Jelaha, a u okviru Programa Omladinske banke za 2018. godinu. Radi se o projektima: *Postavljanje led rasvjete na poligonu u Lepenici, Fudbal za sve i Dječije igralište za najmlađe*. Realizacija projekata očekuje se u naredna dva mjeseca, a ponovljeni javni poziv je otvoren od 20.06.2018. godine sa raspoloživim fondom od 10.350 KM. Više informacija možete pogledati na www.lonac.pro

Osim ovih projekata, mladi se mogu prijaviti i za pokretanje društvenog biznisa, a u toku je

realizacija podrške mladom Ensaru Perči na pokretanju vlastitog biznisa.

Općina Tešanj u saradnji sa Fondacijom Mozaik provodi ovaj Program već desetu godinu i kroz različite projekte implementirano je preko 500 hiljada maraka.

Inače, program Omladinske banke ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.

POTPISANI UGOVORI ZA SAMOZAPOSŁJAVANJE PRIPADNIKA BORAČKE POPULACIJE

U Općini Tešanj potpisani su ugovori između Ministarstva za boračka pitanja ZDK i uspješnih kandidata po raspisanom javnom pozivu za Program poticaja samozapošljavanja pripadnika boračke populacije, za koji je iz Budžeta ZDK za 2018. godinu izdvojeno 1,2 miliona KM. Potpisano je 54 ugovora sa pripadnicima boračke populacije iz Tešnja (46), Doboj Juga (3) i Usore (5). Ranije su potpisani ugovori sa 120 korisnika sa područja općina Breza, Kakanj, Maglaj, Olovo, Vareš, Visoko, Zavidovići, Zenica i Žepče.

Posebno mi je drago da će danas 46 korisnika dobiti podršku za zaposlenje, a to znači 46 novih firmi na području općine Tešanj. Zadovoljni smo ovakvim pristupom da se daje podrška samozapošljavanju ove kategorije stanovnika, umjesto socijalnih davanja, rekao je Općinski načelnik Suad Huskić.

Program zapošljavanja i samozapošljavanja boračke populacije pokrenut je 2015. godine, prvo u poljoprivredi da bi se naredne godine proširio na sve privredne djelatnosti.

Zaključno sa ovom godinom direktno ćemo zaposliti oko hiljadu ljudi, a indirektno je taj broj znatno veći jer su neki korisnici u međuvremenu izrasli u poslodavce koji danas imaju i do deset uposlenih. Za pokretanje privatnog biznisa ove godine izdvojeno je 7.000 KM po korisniku, a sredstva će biti plasirana preko lokalnih zajednica, rekao je Ministar za boračka pitanja Fahrudin Čolaković.



POTPISAN SPORAZUM O DODJELI GRANT SREDSTAVA U OKVIRU MEG PROJEKTA

Općinski načelnik Suad Huskić potpisao je u Sarajevu sporazum o dodjeli grant sredstava koja se odnose na projekat općinskog ekološkog i ekonomskog upravljanja (MEG), kroz koji je Općini Tešanj dodijeljeno 290.000 KM.

Sredstva obezbjeđena iz ovog projekta bit će utrošena u dva projekta - 250.000 KM ide za projekat vodovoda Raduša, a 40.000 KM ide za Poslovne ideje mladih, rekao je Općinski načelnik Suad Huskić.

U okviru Projekta općinskog ekološkog i ekonomskog upravljanja (MEG) koji finansira Vlada Švicarske, a provodi Razvojni program Ujedinjenih nacija (UNDP), 13 općina i pet gradova dobili su bespovratna sredstva u iznosu od 4,5 miliona KM za razvojne investicije.

Načelnici općina Bosanska Krupa, Gračanica, Gradačac, Gradiška, Kalesija, Kostajnica, Kozarska Dubica, Prnjavor, Sanski Most, Teslić, Tešanj i Žepče, te gradonačelnici gradova Bihać, Cazin, Doboj, Prijedor i Tuzla potpisali su sporazume o dodjeli bespovratnih sredstava sa predstavnicima UNDP-a i Ambasade Švicarske, te su imali priliku predstaviti rezultate rada svojih lokalnih samouprava u proteklom periodu.

MEG Projekat ima za cilj unaprijediti institucionalne kapacitete 18 partnerskih jedinica lokalne samouprave (općina i gradova) za primjenu principa dobre uprave, osiguranje kvalitetnih lokalnih usluga, učinkovitiju interakciju s relevantnim akterima i stvaranje okruženja pogodnih za poslovanje, omogućavanje novih radnih mjesta i ekonomski rast. U okviru svog djelovanja, Projekat posvećuje posebnu pažnju sektorima privrede i okoline.



REALIZACIJA PLANA KAPITALNIH ULAGANJA

Nakon sastanka koji je Općinski načelnik sa saradnicima održao sa predstavnicima mjesnih zajednica, a na kojem se razgovaralo o kandidovanim projektima za 2018. godinu sa aspekta tehničke spremnosti, uslijedila je intenzivna realizacija tih projekata. Tokom maja i juna završeni su projekti asfaltiranja puteva u sljedećim mjesnim zajednicama:



Brezovače, MZ Medakovo



Gornje Dobropolje, MZ Dobropolje-Mekiš



Stolarija OŠ "Huso Hodžić" Tešanj



Ripna, MZ Jablanica



Halilovići-Alići, MZ Šije



Sportski poligon, MZ Novo Selo



Vodovod Raduša



Vodovod Tepe - Hrvatinovići



Hrnjići, MZ Jevadžije



Smreče-Škola, MZ Džemilić Planje



Ristići, MZ Rosulje



MZ Novi Miljanovci



Čamdžići-Ljeskovac, MZ Ljetinić



Osnovna škola-Omerbašići, MZ Miljanovci-Lončari

U toku su radovi na izgradnji tri školske sale u mjesnim zajednicama Šije, Miljanovci - Lončari i Jablanici, a za školsku salu u Kaloševiću u toku je proizvodnja montažnih elemenata. Radovi teku predviđenom i ugovorenom dinamikom, i svi radovi bi trebali biti okončani do početka nove školske godine.



EDUKACIJA PREDSTAVNIKA MJESNIH ZAJEDNICA

U periodu od aprila do juna, prema ranije odbrenim planovima, u Općini Tešanj održane su tri edukacije predstavnika mjesnih zajednica na teme: Analiza zimskog održavanja, zatim Rješavanje problema u putnom pojasu i Rad JP RAD d.d. Tešanj i saradnja sa mjesnim zajednicama. Ova aktivnost je planirana kroz Plan edukacije predstavnika MZ koji je u potpunosti realizovan.

Predstavnici Općine, JP RAD Tešanj i Knjigovodstvenog servisa, kao i predstavnici mjesnih zajednica (prosjeck prisutnih predstavnika 22 od 25 mjesnih zajednica) zajednički su analizirali dosadašnje aktivnosti, te dogovorili zajedničko djelovanje u narednom periodu.



AKTIVNOSTI MJESNIH ZAJEDNICA PARTNERA NA PROJEKTU UNDP

Završeni su infrastrukturni projekti koji su planirani da se realizuju kroz prvu fazu Projekta Jačanje uloge mjesnih zajednica (MZ) u Bosni i Hercegovini (BiH), te je održano nekoliko sastanaka koji se odnose na poduzimanje određenih mjera na institucionalizaciji usvojenih znanja, sa ciljem dostizanja elemenata Vizije novih MZ u BiH, i naravno ispunjavanje složenih uslova za odobrenje druge faze ovog projekta.

U okviru tih aktivnosti uspostavljena je saradnja sa CCI BiH i Networks fondacijom koji će kroz organizovanje radnih sastanaka sa MZ partnerima u narednom periodu raditi na izradi akcionih planova mjesnih zajednica za unaprijeđenje rada, te poboljšanju rada društvenog centra.

U sklopu ovih aktivnosti realizovani su prvi sastanci, urađeni akcioni planovi i održane radionice u Tešnju i KotorVarošu za unapređenje ovih planova.

U cilju održivosti ovog projekta organizovana je radionica, kako bi se stečena znanja predstavnika partnerskih mjesnih zajednica prenijela na predstavnike nepartnerskih mjesnih zajednica. Predavači su bili sekretari MZ Jelah, Kalošević,

Raduša i Tešanjka. Predstavnici nepartnerskih mjesnih zajednica su pokazali visoko interesovanje za ovakav vid edukacije, koja će biti nastavljena i u narednom periodu.

Projekat Jačanje uloge mjesnih zajednica (MZ) u Bosni i Hercegovini (BiH) je zajednička inicijativa Vlada Švicarske i Švedske, čija je vrijednost 14,5 miliona KM. U aktivnostima prve faze koja će trajati do sredine 2019. godine, učestvovat će 120 mjesnih zajednica i 20 JLS širom zemlje, čime će utjecati na poboljšanje kvalitete života 300.000 ljudi.



SASTANCI SA PREDSTAVNICIMA MJESNIH ZAJEDNICA

Područje općine Tešanj je u nekoliko navrata zadesilo oborinsko nevrijeme koje je izazvalo plavljenje u nekoliko mjesnih zajednica, a u nekim MZ poplave su se dogodile u više navrata. To je izazvalo mnoštvo poteškoća u odvijanju života i rada na ovim područjima, te izazvalo značajne štete kako na objektima infrastrukture, tako i na privatnim objektima.

Općinski načelnik sa saradnicima organizovao je radni sastanak sa predsjednicima savjeta mjesnih zajednica koje su pretrpile najveća oštećenja. Rezultati sastanka su bili sumiranje poduzetih mjera te definisanje hitnih mjera koje treba poduzeti za normalizaciju uslova na ovim područjima.

Pored ovog sastanka, održano je još sedam pojedinačnih sastanaka sa delegacijama mjesnih zajednica, a na kojim se uglavnom razgovaralo o realizaciji planova, te podizanja stepena saradnje, a u cilju stvaranja povoljnijih uslova za život i rad građana općine Tešanj.



POČELI RADOVI NA IZGRADNJI PRIVREMENOG MOSTA NA RIJECI USORI U JELAHU

U toku su radovi na izgradnji privremenog mosta na rijeci Usori u Jelahu. Ovaj most se postavlja zbog izmiještanja saobraćaja sa regionalnog puta tokom radova na mostu Lejle Mulalić. Privremeni most će biti dužine 60 m, širine za saobraćaj oko 3,5 m i omogućit će jednosmjerni saobraćaj nosivosti 40t. Imat će dva oslonca/stuba u koritu Usore. Uz most finalizirat će se zaobilaznica sa rampom. Asfaltiranje Rastoka je urađeno prošle godine, ali sa druge strane rijeke treba pripremiti silazak sa regionalnog puta i dolazak do privremenog mosta.



Početak radova prisustvovali su predstavnici Direkcije cesta ZDK, Općine Tešanj i izvođača, firme Hering, te su ovom prilikom usaglašene i dalje aktivnosti.

Naknadno će biti objavljeno zvanično saopćenje o tome kako će biti organiziran saobraćaj (regulacija saobraćaja, pozicije privremenih semafora, uključenje na magistralni put i dr).

NOVE AUTOBUSNE NADSTREŠNICE

Završen je projekat postavljanja šest novih autobusnih nadstrešnica uz lokalne ceste u više mjesnih zajednica na području općine Tešanj. Prve autobusne nadstrešnice su izgrađene 2007. godine na području urbanog dijela grada Tešnja, a zatim svake naredne godine njihova gradnja je nastavljena po cijelom području općine Tešanj, prvo na magistralnim cestama, a zatim regionalnoj i lokalnim cestama.

Danas imamo ukupno 64 izgrađenih autobusnih nadstrešnica raspoređenih po svim mjesnim zajednicama. Uz izgradnju autobusnih nadstrešnica redovno se u budžetu planiraju i sredstva za njihovo održavanje na godišnjem nivou od oko 10.000 KM.

U 2018 godini je planirano i postavljeno šest novih autobusnih nadstrešnica na ona autobusna stajališta koja su najfrekventnija ili gdje je veliki broj učenika i radnika koji koriste javni prevoz do svojih odredišta.



ŠEF DELEGACIJE EVROPSKE UNIJE U BIH POSJETIO TEŠANJ



Šef Delegacije Evropske unije u BiH i specijalni predstavnik EU, NJ.E. Ambasador Lars Gunnar Wigemark posjetio je Općinu Tešanj kako bi se sastao sa Općinskim načelnikom Suadom Huskićem i Predsjedavajućim Općinskog vijeća Senadom Subašićem. Tokom sastanka razgovarano je o iskustvima Općine Tešanj u ukupnom razvoju i izazovima zbog trenutnog ustavnog uređenja Bosne i Hercegovine.

Ambasador Wigemark je istakao da je prvi put u Tešnju i da mu današnja posjeta predstavlja posebno zadovoljstvo, s obzirom da Tešanj prednjači kada je u pitanju lokalna inicijativa, razvoj u javnom i privatnom sektoru.

Ovom prilikom, razgovarano je i o agendi u kojoj će biti predstavljena politika razvoja BiH sa većom ulogom lokalne samouprave. Nakon sastanka u Općini Tešanj, održana je javna debata o ulozi lokalne zajednice u procesu pristupanja EU, koja se održavala u okviru projekta *Lokalna zajednica prEUzima inicijativu*.

Na debati su govorili brojni domaći, regionalni i međunarodni stručnjaci, a prisustvovali su predstavnici različitih sektora sa područja općine Tešanj.

AMBASADORICA ŠVICARSKE U BIH POSJETILA TEŠANJ

Ambasadorica Švicarske u BiH NJ.E. Andrea Rauber Saxer posjetila je općinu Tešanj i ovom prilikom se sastala sa Općinskim načelnikom Suadom Huskićem. Sastanku su prisustvovali i predsjedavajući Općinskog vijeća Senad Subašić i pomoćnik Općinskog načelnika Hamzaliya Hojkurić. Razgovarano je o prilikama u BiH u pogledu razvoja lokalne samouprave, kao i o projektima koji su zajednički realizirani prethodnih godina u području zdravstva, obrazovanja i infrastrukture.



Posebnost projekata koje smo realizirali sa Švicarskom jeste da su oni bili vrlo transparentni i da smo u dosadašnjem toku imali vrlo uspješnu saradnju, vrlo visok stepen povjerenja i da su oni procjenjivali kako Općine rade i kako napreduju. Najaktuelniji je projekat MEG, gdje nam je kao najuspješnijoj Općini dodijeljeno 250 000 KM. Ova sredstva će biti utrošena u izgradnju vodovodne mreže, kazao je Općinski načelnik Suad Huskić.

Nakon sastanka u Općini Tešanj Ambasadorica je posjetila Mješovitu srednju školu i dvije tešanjске firme

PREDSTAVNICI ADRE POSJETILI TEŠANJ

Predstavnici Humanitarne organizacije ADRA iz Republike Češke, Rudolf i Patrick Reitz nakon 20 godina posjetili su Bosnu i Hercegovinu i općinu Tešanj. Domaćin ove posjete je Općina Tešanj, Općinski načelnik Suad Huskić i Načelnik iz ranijeg perioda Fuad Šišić. Tokom boravka, predstavnici ADRE posjetili su različite ustanove sa kojima je ova organizacija sarađivala – Bolnica, Biblioteka, Muzej, Medžlis IZ-a, kao i neke firme sa područja općine Tešanj.



ADRA je organizacija koja u ljeto 1996. godine pokreće pomoć u gradu Tešnju, uvozi pakete hrane, lijekova, medicinske i građevinske materijale, namještaj i školske sadržaje. Pomoć u Tešnju nastavlja se u narednim godinama, a ADRA gradi stanove, rekonstruira dio Opće bolnice i pruža kompletnu opremu za hiruršku salu, te distribuira pakete novorođenoj i djeci iz socijalno ugroženih porodica.

Općina Tešanj je 1998. godine Humanitarnoj organizaciji ADRA dodijelila najveće općinsko priznanje – *Ključeve grada Tešnja*.

MEĐUNARODNI TURNIR U KOŠARCI ZA DJEVOJČICE

U subotu 23.06.2018. godine u organizaciji JU Sportsko-rekreacioni centar Tešanj održan je turnir u košarci za djevojčice do 14 godina. Na turniru je učestvovalo pet ekipa iz Češke, Hrvatske i tri ekipe iz BiH. Igralo se po sistemu svako sa svakim.

Nakon odigranih 10 utakmica, ostvaren je sljedeći poredak: 1. mjesto Dračice Češki Brod (Češka), 2. mjesto KK WBS Teslić (BiH), 3. mjesto ŽKK Tešanj Tešanj (BiH), 4. mjesto KK Mladost Ivanočec (Hrvatska), 5. mjesto KK Gradina Tešanj (BiH).

Zahvalnice svim učesnicima uručio je direktor JU Sportsko rekreacionog centra, Safet Jašić. Priznanja i medalje svim učesnicima uručio je Općinski načelnik, kao i pehare za najuspješnije.



POTPISANI SPORAZUMI ZA POBOLJŠANJE SISTEMA ZAŠTITE I SPAŠAVANJA NA PODRUČJU OPĆINE TEŠANJ

Općinski načelnik Suad Huskić i Direktor Kantonalne uprave CZ Džavid Aličić potpisali su Sporazum za finansiranje projekata provođenja preventivnih mjera zaštite i spašavanja i Sporazum za finansiranje projekata zaštite i spašavanja.

Ovim sporazumima finansirat će se izgradnja skladišta CZ i provođenje preventivnih mjera zaštite od poplava na području općine Tešanj.

Ovo je nastavak kontinuirane dobre saradnje između Općine Tešanj i Kantonalne uprave CZ, a sve u cilju poboljšanja sistema zaštite i spašavanja.



Ukupna vrijednost potpisanih sporazuma je 100.000,00 KM.

SVEČANO OTVOREN INFO CENTAR ZA KORISNIKE USLUGA JP RAD TEŠANJ

Svečanim presijecanjem vrpce, u četvrtak, 3. maja Općinski načelnik Suad Huskić i direktor JP RAD Adnan Lihic pustili su u rad info centar JP RAD Tešanj koji ima za cilj pružanje kvalitetnijih usluga svojim korisnicima.

Uprava ovog preduzeća je nakon analiziranja stanja, krajem prošle godine donijela odluku o realizaciji ovog projekta - u centru će, u radnom vremenu od 7,00 do 15,00 sati na raspolaganju stalno biti dva uposlenika, sa direktnom telefonskom linijom za kontakt.



Osim plaćanja računa u ovom info centru, svi korisnici će imati priliku da pronađu sve obrasce, zahtjeve, ali i da upute svoje sugestije ili prijedloge koje za cilj imaju poboljšanje u pružanju komunalnih usluga. Osim navedenoga, zaposleni građani koji dosada nisu imali mogućnosti da vrše plaćanje svojih računa na blagajni preduzeća, će dobiti mogućnost plaćanja jednom sedmično u terminu od 15 do 17 sati, rekao je direktor JP RAD Adnan Lihic.

REGISTROVANA BRUCELOZA KOD LJUDI I ŽIVOTINJA

Ovih dana na području općine Tešanj, prijavljen je i identifikovan povećan broj ljudi oboljenih od bruceloze. Također, primijećen je i povećan broj životinja koje su oboljele od ove bolesti. Općina Tešanj u saradnji sa Higijensko-epidemiološkom službom Doma zdravlja Tešanj, veterinarskim stanicama sa području općine Tešanj i Ministarstvom poljoprivrede ZDK inicirala je poduzimanje propisanih protivepidemijskih i higijenskih mjera.

Pozivamo građane općine Tešanj na povećani oprez u kupovini i upotrebi namirnica životinjskog porijekla, kao i kontaktu sa životinjama! Apelujemo na vlasnike životinja da vode adekvatnu brigu o životinjama za koje su odgovorni, te pravovremeno prijavljuju svaki ozbiljan rizik koji ukazuje na pojavu bruceloze.

Podsjećamo da je prema važećim propisima zabranjeno nomađenje stoke.

U narednom periodu sanitarni inspektor obaviti će pojačan inspekcijski nadzor nad prometom namirnica animalnog porijekla na pijacama i drugim lokacijama gdje se vrši ovakav promet, dok će veterinarska inspekcija vršiti pojačan nadzor nad prometom životinja na stočnim pijacama.

Bruceloza kod ljudi je veoma teško zarazno sistemsko oboljenje koje u početku nema tipične simptome, počinje



postepeno; liči na virusu ili gripu, a najčešće se javlja oscilirajuća temperatura koja noću raste, javlja se profuzno znojenje noću, glavobolja, gubitak apetita,

bolovi u zglobovima i mišićima slični reumatizmu, otoci zglobova, upala testisa, mršavljenje.



To je veoma opasna bolest za ljude i ako se ne liječi može imati smrtni ishod. Ostavlja trajne lakše i teže posljedice.

Diagnozu je teško postaviti samo na osnovu kliničke slike, pogotovo na početku bolesti. Zbog toga je obavezno vršiti laboratorijsko ispitivanje krvi.

POSLEDICE KASNOG OTKRIVANJA BRUCELOZE



BRUCELOZA KOD ŽIVOTINJA



Od bruceloze oboljeva sve veći broj ovaca i koza, a posljedično oboljeva i sve veći broj ljudi. Svakodnevno se povećava broj oboljelih i broj novootkrivenih žarišta.

Ugroženi su svi: stočari, osobe koje rade na uzgoju ovaca i koza, veterinari, i potrošači koji upotrebljavaju neprokuhanu ili nepasterizovano mlijeko, mliječne proizvode od takvog mlijeka i termički (kuhanjem) neobrađeno meso.

Od bruceloze najčešće oboljevaju goveda (B. abortus), ovaca i koza (B. melitensis), svinje (B. suis) i psi (B. canis), dok je kod ljudi najčešća infekcija s B. melitensis.

Bolest se u stadiu širi izravnim kontaktom, udisanjem, i spolnim aktom. Životinje mogu mjesecima i godinama izlučivati uzročnike u mlijeku i drugim ekskretima.



ZAŠTITITE SVOJE I ZDRAVLJE OSTALIH STANOVNIKA REGIJE PROVOĐENJEM I PRIDRŽAVANJEM UPUTSTAVA I MJERA ZAŠTITE

- **OBAVEZNO PRATI RUKU TOPLOM VODOM I SAPUNOM PRIJE UPOTREBE BILO KOJE HRANE**

- **UPOTREBLJAVATI SAMO KUHANJEM (TERMIČKI) OBRADENO MLJEKO I MESO, TE PROIZVODE OD TAKVOG MLJEKA I MESA**

- **ZAŠTITITI HRANU OD DODIRA MIŠOLIKIH GLODARAI MUHA.**

- **POSEBNU PAŽNJU OBRATITI PRI BORAVKU NA OTVORENIM IZLETIŠTIMA.**

- **PRI UZGOJU OVACA I KOZA OBAVEZNO SE ZAŠTITI ZAŠTITNOM OPREMOM (ČIZME, RUKAVICE, MANTILI I MASKE PRI RADU U ŠTALI).**

ZAŠTITA OD BRUCELOZE POSTOJI!



KANTONALNI ZAVOD
ZA JAVNO ZDRAVSTVO
ZENICA

KANTONALNI ZAVOD
ZA JAVNO ZDRAVSTVO
ZENICA
ZENIČKO-DOBROBUJSKI KANTON
MINISTARSTVO ZA POLJOPRIVREDU,
ŠUMARSTVO I VODOOPRISLUŽBU
Telefon: (0332)200-460

BRUCELOZA

BRUCELOZA UGROŽAVA NE SAMO ZDRAVLJE LJUDI I ŽIVOTINJA, VEĆ I EKONOMSKI STATUS ZAJEDNICE!

ZAŠTITI SE OD BRUCELOZE!

Bruceloza je zarazno sistemsko oboljenje životinja i ljudi. Prenosi se sa zaraženih ovaca, koza i goveda na ljude putem direktnog kontakta, posteljicom poslije janjenja i pobačaja, sa krvlju, ugnulim plodom ovaca i koza, plodom vodom, i konzumiranjem tj. upotrebom nekuhanog ili nepasterizovanog mlijeka i proizvoda od takvog mlijeka.



KAKO PREPOZNATI BOLEST

Prvi pokazatelji da su životinje zaražene brucelozom su pobačaj i upale testisa, ali su znakovi bolesti nespecifični i teško se utvrđuju na osnovu kliničke slike te je neophodan serološki pregled krvi stoke na ugroženim područjima.

Pobačeni plod posteljica i tekućina iz materice sadrže veliku količinu bakterija koje se dugo zadržavaju u vlažnoj zemlji te dolazi do širenja zaraze u stadiu preko probavnog trakta zaražene životinje.



Vlasnik je dužan, bez odlaaganja, izvijestiti veterinarsku organizaciju o svakoj promjeni zdravstvenog stanja životinja na posjedu i obavezno prijaviti svaki pobačaj životinja.



Bakterije bruceloze se obično prenosi na ljude direktnim kontaktom sa inficiranim životinjama na farmi.



Organi za varanje
#ADAM

KAKO SPRIJEČITI ŠIRENJE BOLESTI

OSNOVNI ZADACI U ZAŠTITI OD BRUCELOZE

- Ukloniti izvor zaraze (zaražena ovca, koze i goveda) pronalaženjem tj. ispitivanjem (testiranjem) krvi svih ovaca, koza i goveda na zaraženim područjima i neškodljivim uklanjanjem ovaca i koza kod kojih je dijagnostički utvrđena zaraza.
- Besprijekorna saradnja sa veterinarskom službom, inspekcijama službama, policijom, civilnom zaštitom, zavodom za javno zdravstvo (tj. zdravstvenom službom)
- Pri uzgoju ovaca i koza obavezno se zaštititi zaštitnom opremom (čizme, rukavice, mantili i maske pri radu u štali).
- Za ishranu koristiti samo kuhano mlijeko i proizvode od kuhanog i pasterizovanog mlijeka i kuhano meso, obzirom da su mlijeko i mliječni proizvodi glavni putevi prenošenja bruceloze kod ljudi.
- Obavezna dezinfekcija štala.
- Nakon kontakta sa životinjama obavezno pranje ruku sa toplom vodom i sapunom.
- Iskorjenjivanjem bruceloze kod životinja eliminisati će se bolest kod ljudi

Širenju zaraze sa jednog na drugo područje doprinose trgovina životinjama i proizvodima od životinja bez veterinarskog i drugog nadzora.

U interesu svih nas je da se spriječi širenje bruceloze među životinjama i zaražavanje ljudi jer potpuno uklanjanje bruceloze kod ljudi besila se na eliminaciji ovog oboljenja kod domaćih životinja.

KANTONALNI ZAVOD
ZA JAVNO ZDRAVSTVO
ZENICA
ZENIČKO-DOBROBUJSKI KANTON
MINISTARSTVO ZA POLJOPRIVREDU,
ŠUMARSTVO I VODOOPRISLUŽBU
Telefon: (0332)200-460



OTVORENJE MANIFESTACIJE & izložbe slika Ilhane Latifović

| petak, 22. juni, 17 sati, CKO

Književni Gradačac - suret sa piscima iz Gradačca

| srijeda, 27. juni, 18 sati, CKO

Promocija knjige Munira Mujića i Elvedina Subašića *Filmski portret muslimana*

| petak, 29. juni, 19 sati, Atrij Medžlisa

Tešanj Sevdah Fest

| subota, 7. juli, 20 sati, Plato ispred CKO

Koncert sjećanja na Srebrenicu, Gradski hor »Kasiopeja« Zenica

| ponedjeljak, 9. juli, 20 sati, CKO

Izložba *Ćilim sjećanja*

| utorak, 10. juli, 19 sati, Trg Gazi Ferhad-bega

Promocija knjige Almira Zalihića *Poetika razdešenih detalja Amira Brke*

| četvrtak, 12. juli, 18 sati, Biblioteka

Pozorišna predstava Hasije Borić *Nana Fata Orlović ili Neka se čuju i vaši glasovi*

| petak, 13. juli, 19 sati, CKO

I. Šampion KUP Tešanj

| nedjelja, 15. juli, 8 sati, Nogometni stadion Mekiš

Promocija knjige Jasmina Agića *Povučen život*

| srijeda, 18. juli, 18 sati, Biblioteka

Promocija knjige Envera Kazaza *Glasovi*

| petak, 20. juli, 18 sati, CKO

Izložba i promocija knjige Mensure Mujkanović *Stradali vojnici iz tešanskog kotara u austrougarskoj vojsci (1914-1918)*

| petak, 27. juli, 19 sati, Eminagića konak

IX. Balkan streets festival

| nedjelja, 29. juli, 20 sati, Tešanjaska gradina

2018

Ljeto u Tešnju

